

北京圖書館 編

北京圖書館藏珍本  
年譜叢刊



第 139 冊

北京圖書館出版社

□ 北京圖書館 編

北京圖書館藏珍本  
年譜叢刊

北京圖書館出版社

第 139 冊

# 第一三九冊目錄

|                    |     |
|--------------------|-----|
| 先溫和公年譜             | 一   |
| 汪荀叔自撰年譜            | 六三  |
| 阮鄰自訂年譜             | 一三七 |
| 徵君陳先生年譜            | 二〇三 |
| 言舊錄                | 二三七 |
| 徐秋士先生自訂年譜          | 三二七 |
| 啖蔗軒自訂年譜            | 三八三 |
| 杜文正公年譜             | 四六九 |
| 中議公自訂年譜卷首至卷一之清嘉慶九年 | 六二七 |

原任工部尙書張祥河祭文

朕惟黃樞職重世臣興喬木之思綺里名高壽考備  
商芝之選瞻遺徽而滋慨茂典爰頒奠清酌而增淒  
芳筵斯賁爾原任工部尙書張祥河摛文學粹抱質  
品端題雁塔以標名列鳳池而入直宥府戎機之地  
禁近趨班神仙寶玉之司郎官游秩虞廷課最曾邀  
記注於璇屏閩嶠持衡更廣摛羅於珊網洎監司之  
迪簡復廉鎮之揚鑣桂海陳藩榆關開府旣任封圻

而宣力旋躋卿尹以揚輝東院班崇佐銓衡而弊吏  
南臺望峻總憲度以提綱升庸而命作司空起曹日  
理觀化而權兼京兆畿甸風清引年推耄老之恩官  
銜用錫敦族篤宗支之誼宸額特頒方期渥眷長承  
何意淪殂遽告於戲酌椒漿而露浥庶慰幽潛宣芝  
綍以雲翔用昭光寵爾靈不昧尙克欽承

太子太保原任工部尙書張祥河碑文

朕惟耆臣宣服采之勤聿嘉丕績當代重飾終之典  
式煥彝章旣展祀乎雕筵更揚徽乎螭碣爾太子太  
保原任工部尙書張祥河砥行品端持躬學粹始蜚  
英於秘省繼觀政於農曹擢觀察而裕糧儲累升遷  
而躋藩臬畀以曷臣之任績懋西陲泊乎京秩之移  
班陪東閣月卿游陟以少宰而兼攝刑官風憲總司  
領中丞而旋膺工正閩疆奉使玉尺曾持畿甸掄才

冰壺自矢翠羽協翔鸞之度鳳城邀策騎之榮憶

先皇慶典宏開旌人瑞而宮銜特錫逮朕躬丕基初紹眷  
老成而國事攸資嗣以引疾籲陳俾令退養何意遺  
章入告遽悼淪徂追念典型優加軫卹象其品概謚  
以溫和於戲恩沛龍綸荷榮施於九陞封高馬鬣垂  
令聞於百年貽爾後昆欽予時命

先溫和公年譜

張氏世居上海浦東明嘉靖間避倭警由濱海徙居三林塘高祖珠巖公康熙壬午舉人始遷居郡城西門外塔射園遂入婁籍曾祖遜亭公附貢生候選布政司理問祖遠春公嘉慶辛酉舉人太倉州學正調任無爲州學正皆以

覃恩

誥贈光祿大夫工部尙書

乾隆五十年乙巳正月十四日酉時先君生於松江

東門外壽星橋王氏宅時先祖遠春公爲王氏

贅壻與先祖母王太夫人俱年二十四歲

先君外祖

爲婁邑候選州同知王方瞳公諱鎬

五十一年丙午二歲閏七月先叔父竹初公生

五十二年丁未三歲九月適姚氏姑母生

五十三年戊申四歲

五十四年己酉五歲入家塾先祖親爲課讀

五十五年庚戌六歲六月適王氏姑母生是年先祖

恭應

東巡召試

欽取二等

恩賞緞匹

五十六年辛亥七歲就傅受業於華亭吳仲之先生

景濂廩貢生

讀唐人詩時有神悟

五十七年壬子八歲十一月先叔父密齋公生

五十八年癸丑九歲

五十九年甲寅十歲

六十年乙卯十一歲從同邑沈芝田先生

瑞嘉慶戊午舉人

張子白先生

若采乾隆庚戌進士

受學

嘉慶元年丙辰十二歲初學爲詩文喜爲古今體詩

嘗侍先伯祖悔堂公挹翠樓賦七夕得句云四

圍雲淡一痕秋先伯祖亟稱之

二年丁巳十三歲九月叔父寶齋公生

三年戊午十四歲

四年己未十五歲同郡侍郎王述庵先生視爲先祖  
受業師先君持文字往謁侍郎深器之謂將來  
必有名於世及壯侍郎嘗與論詩學焉

五年庚申十六歲

六年辛酉十七歲秋先祖中式本省鄉試第五十七  
名十月先叔父循齋公生

七年壬戌十八歲應童子試郡守興縣康茂園先生

基田

於扃門後從儔人中招先君至堂上曰汝  
貌甚貴勉之宜自愛遂拔冠一軍學使山陰平  
寬甫侍郎恕取入婁學第一名首題使子路反  
見之次題玉振之也者終條理也詩題靈時牧  
般麟得麟字

八年癸亥十九歲

九年甲子二十歲科試一等食餼秋應鄉試十二月

吾母吳夫人來歸

先外祖諱烈華亭籍乾隆庚辰舉人山東齊東縣知縣

十年乙丑二十一歲集同郡王澹淵丈

慶麟

黃硯北

丈仁顧荃士姑丈

夔

舉文會時祭酒錢塘吳穀

人先生

錫麟

主講雲間書院先君試輒第一祭

酒稱先君詩賦能師唐人極爲激賞先君遂受

業焉

十一年丙寅二十二歲七月長兄

昌緒

生

十二年丁卯二十三歲秋應鄉試受知於侍郎萍鄉

劉金門先生

鳳誥官至吏部侍郎

給事中武陵趙遂樓先

生慎眇官至雲貴房師含山縣知縣高安吳芝

圃先生居閩癸丑進士中式第五十名首題為君難為

臣不易次題郊社之禮所以事上帝也三題湯

以七十里文王以百里詩題白露橫江得秋字

十月展三林塘祖墓先少宰公墓在上海有遺命子孫不能讀書上進者

不必展墓

十三年戊辰二十四歲正月侍先祖赴會試先君薦

而不售卷出中翰劉公燠房是年遂侍先祖留

京僦舍興勝寺與吳山尊齋張船山問陶朱棻

堂爲弼朱虹舫方增吳巢松慈鶴劉芙初嗣綰

宋芷灣湘陳恭甫壽祺諸先生往還最稔是年

春先叔父竹初公補諸生

十四年己巳二十五歲會試先祖先君卷均薦不售

先君挑取謄錄卷出侍講施公杓房三月侍先

祖出都道經泰安登泰山賦詩紀遊

十五年庚午二十六歲二月適趙氏長姊生三月赴

吳門遊天屏穹窿諸山

十六年辛未二十七歲正月入都會試卷出編脩錢

公

林

房仍不售留京廨同郡侍郎趙謙士先生

秉冲

直廬時海內耆碩如儀徵相國阮文達公

大興翁覃溪學士

方綱

桐鄉程春廬府丞

同文

歙縣鮑雙湖侍郎

桂星

皆在京師相與唱和得

詩甚多

十七年壬申二十八歲九月回里